

ԱՐՊՅ ՈՒՍԱՆՈՂՆԵՐԸ ԱՅՑԵԼԵԼ ԵՆ ԶՈՐԱՄԱՍ



Հունվարի 28-ին հայոց բանակի կազմավորման և հայրենյաց պաշտպանի օրվա առթիվ Արցախի պետական համալսարանի մի խումբ ուսանողներ այցելել են N գործարան: Ուսանողները շրջայց են կատարել գործարանի տարածքում՝ ծանոթանալով զինվորների առօրյային և պայմաններին:

ԱրՊՅ ՈՒՇԴՅՏԱ գծով պրոռեկտոր Վիտյա Յարամիշյանը, ողջունելով ՊԲ անձնակազմին և զինվորներին, կարևորել է օրվա խորհուրդը՝ նշելով, որ ժա-

մանակակից աշխարհում գոյատևելու և պետությունը պաշտպանելու համար անհրաժեշտ է մարտունակ բանակ:

«Հայոց բանակը մեր պետականության միակ հուսալի երաշխավորն է: 28 տարի իր գոյությամբ և իր մարտունակությամբ կարողացավ ապացուցել, որ լիարժեքորեն ապահովում է իր առջև դրված խնդիրները», - ասել է նա:

Զինծառայողներին շնորհավորել է նաև ԱրՊՅ ուսանողական խորհրդի նախագահ Լիլիթ Մարգարյանը. «Դժվար էր ռազմական գործողություններին զուգընթաց բանակ կառուցելը: Անցնելով թե պատերազմի և թե բանակաշինության փորձությունները՝ մեր բանակը կոփվեց և դարձավ անկախ պետականության կարևորագույն երաշխիքը, հայ ժողովրդի արդարացի հպարտության և ոգևորության աղբյուրը», - ասել է նա:

Ուսանողները հանդես են եկել ազգագրական կատարումներով՝ զինծառայողների օրը դարձնելով տոնական:

ՑԱՎԱԿՑՈՒՄ ԵՆՔ

ԿՅԱՆՔԻՑ ՀԵՌԱՑԵԼ Է ԱՐՊՅ ՊՐՈՖԵՍՈՐ, Փ.Գ.Թ. ՇԱՀԵՆ ՄԻՔԱՅԵԼԻ ԱՐՐԱՀԱՄՅԱՆԸ

87 տարեկանում կյանքից հեռացել է փիլիսոփայական գիտությունների թեկնածու, ԱրՊՅ պրոֆեսոր Շահեն Միքայելի Արրահամյանը:

Շահեն Միքայելի Արրահամյանը ծնվել է 1933 թ. հունվարի 22-ին ԼՂՀ Շուշիի շրջանի Քարինտակ գյուղում: Ավարտելով տեղի 7-ամյա դպրոցը և Շուշիի մանկավարժական ուսումնարանը՝ 1952 թ. ընդունվել է Ադրբեջանի պետական մանկավարժական ինստիտուտը, որն ավարտելուց հետո աշխատանքի է անցել ծննդավայրի դպրոցում՝ որպես հայոց լեզվի և գրականության ուսուցիչ:

1959-74 թթ. աշխատել է կոմերիտական և կուսակցական մարմիններում:

1969-1970 թթ. զբաղեցրել է Ադրբեջանի պետական մանկավարժական ինստիտուտի Ստեփանակերտի մասնաճյուղի տնօրենի պաշտոնը:

1974 թ. պաշտպանել է թեկնածուական թեզ և ստացել փիլիսոփայական գիտությունների թեկնածուի գիտական աստիճան:

1969 թ-ից աշխատել է Արցախի մայր բուհում՝ որպես փիլիսոփայության դասախոս՝ տարբեր տարիների զբաղեցնելով նաև ամբիոնի վարիչի և պատմաբանասիրական ֆակուլտետի ղեկավարի պաշտոնները:

1994 թ. նրան շնորհվել է դոցենտի, 2006թ.՝ ԱրՊՅ պրոֆեսորի կոչում:

Շահեն Միքայելի Արրահամյանը գիտության ոլորտում ունեցած նվաճումների համար արժանացել է մի շարք պետական պարգևների՝ պարգևատրվելով «Մեսրոպ Մաշտոց» շքանշանով, ԼՂՀ վարչապետի հուշամեդալով, ԱրՊՅ «Ոսկե մեդալ»-ով: Հեղինակել է տասնյակ գիտական և հրապարակախոսական աշխատանքներ:

Շահեն Միքայելի Արրահամյանն իր գործունեության բոլոր բնագավառներում աչքի է ընկել որպես բարեխիղճ, պատասխանատու, սկզբունքային, հայրենասեր քաղաքացի և մտավորական՝ վայելելով իր գործընկերների, ուսանողների, համերկրացիների սերն ու հարգանքը:

Արցախի պետական համալսարանի ողջ անձնակազմը խոր վշտով սգում է սիրելի գործընկերոջ մահը և իր գորակցությունը հայտնում նրա հարազատներին:

Շահեն Միքայելի Արրահամյանի հիշատակը միշտ վառ կմնա նրան ճանաչողների սրտերում:



ԱՐՑԱՆԻ ՀԱՄԱԼՍԱՐԱՆ



ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՄՍԱԹԵՐԹ - ЕЖЕМЕСЯЧНАЯ ГАЗЕТА «АРЦАХИ АМАТСАРАН» № 01 (224) հունվար-փետրվար, 2020

ԱՐՊՅ ՌԵԿՏՈՐ ԱՐՄԵՆ ՍԱՐԳՍՅԱՆԸ ՆԵՐԿԱՅԱՑՐԵԼ Է 2018-2019 ՈՒՍԱՐՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ



Փետրվարի 20-ին կայացել է ԱրՊՅ խորհրդի նիստը, որի ընթացքում ԱրՊՅ ռեկտոր Արմեն Սարգսյանը ներկայացրել է հաշվետվությունը՝ 2018-2019 ուստարում կատարած աշխատանքների մասին:

ԱՅ պետնախարար, ԱրՊՅ խորհրդի նախագահ Գրիգորի Մարտիրոսյանը, ողջունելով ներկաներին, նախ շնորհավորել է Արցախի վերածննդի օրվա առթիվ, ապա անցել նիստի օրակարգային հարցերին:

Նիստին ներկա էին նաև ԱրՊՅ խորհրդի կազմում չընդգրկված պրոռեկտորներ, ղեկաններ, այլ ստորաբաժանումների ղեկավարներ:

Օրակարգի առաջին հարցով ներկաները լսել են ԱրՊՅ ռեկտորի հաշվետվությունը՝ 2018-2019 ուստարում կատարած աշխատանքների մասին, որոնք իրականացվել են կրթական, համագործակցության, ուսանողների հետ տարվող աշխատանքների, սոցիալական քաղաքականության և ֆինանսատնտեսական ուղղություններով:

2018-2019 ուսումնական տարում Արցախի մայր բուհն իր գործունեությունը կազմակերպել և իրականացրել է ԱրՊՅ զարգացման ռազմավարական ծրագրով նախատեսված խնդիրներին և նպատակներին համապատասխան՝ առաջնորդվելով իր կողմից որդեգրված առաքելության դրույթներով: 2019թ. մարտի 5-ի խորհրդի նիստում հաստատվել է ԱրՊՅ զարգացման ռազմավարական մոր ծրագիրը, որին համապատասխան՝ կազմվել է ժամանակացույց-պլան, որով նախատեսված բոլոր 6 նպատակների իրագործմանը միտված խնդիրների ուղղությամբ կատարվել են որոշակի աշխատանքներ:

«Չնայած առկա բազմաթիվ խնդիրներին՝ արդյունավետ աշխատանքներ են իրականացվել ուսումնական գործընթացի բարելավման, կրթության բովանդակության հարստացման, դասավանդման որակի բարձրացման, մեթոդների արդիականացման և այլ ուղղություններով: Հիմնովին փոխվել և գիտխորհրդի կողմից հաստատվել են բակալավրիատի և մագիստրատուրայի ուսումնական բոլոր պլանները՝ հնարավորինս համապատասխանեցնելով բարձրագույն կրթության և աշխատանքային արդի պահանջներին», - նշել է ռեկտորը:

Գիտության ուղղությամբ կատարված աշխատանքները ներկայացնելուց հետո ռեկտորն ընդգծել է, որ համալսարանի հիմնական նպատակը շարունակում է մնալ նրա գիտական ներուժի ուղղորդումը տնտեսության զարգացման և հասարակության բարեկեցության բարձրացման գործում, դասախոսների ներգրավումը հետազոտական աշխատանքներում: ԱրՊՅ հեռահար նպատակը որպես գիտական առաջատար օղակի կայացումն է, կրթական և գիտական գործունեության հավասարակշռումը, ինչը մեր պայմաններում բավականին բարդ է:

Գիտության ոլորտում շարունակվել են աշխատանքներ իրականացվել դասախոսների մասնագիտական աճին ուղղված: Ռեկտորի խոսքով՝ համալսարանն իր ռազմավարական ծրագրում կարևորում է գիտական գործունեության զարգացմանն ուղղված աշխատանքները՝ որպես նպատակ հռչակելով «Տարածաշրջանային հետազոտությունները Արցախի հիմնախնդիրների լուծման գերակայությամբ»:

«Այդ նպատակին հասնելու համար առանձնացված խնդիրների լուծման ուղղությամբ կատարվել են որոշակի աշխատանքներ: Հատկապես կարևորվում է գիտության համար նախատեսվող պետական հատկացումների ավելացման հարցը. նախորդ տարիների համեմատ 2019թ. գիտության հատկացումները եռակի ավելացել են», - ասել է ռեկտորը:

	«ԱՐՑԱՆԻ ՀԱՄԱԼՍԱՐԱՆ» ամսաթերթ	Խմբագիր Զ. Սառաջյան	Տպաքանակ 400	Իմացիր քո համալսարանի մասին:
	Հիմնադիր «ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ» ՊՈԱԿ	Մեր հասցեն Մ.Գոշի 5:	Տպագրվում է Արցախի պետական համալսարանի հրատարակչության տպարանում	Այցելիր asu.am կայք:
	Հրատարակվում է 1994 թվականից	Հեռ. (047) 94 04 91		www.asu.am

→ 2 Խոսելով ձեռքբերումներից՝ ռեկտորն ընդգծել է հավատարմագրման նախապատրաստման ուղղված լուրջ աշխատանքները, իրականացրած ինքնավերլուծությունը և հատկապես այն համգամանքը, որ ԱրՊՅ-ն համագործակցության պայմանագրեր ունի 47 բուհերի, գիտական և այլ կառույցների հետ:

ԱրՊՅ ռեկտորը ներկայացրել է նաև հաշվետու տարում իրականացված տարաբնույթ միջոցառումները, գիտաժողովները, հրատարակված աշխատությունների թիվը, բուհում գործող կենտրոնների, լաբորատորիաների կողմից կատարված և մյուս աշխատանքները:

Խոսելով առկա խնդիրների մասին՝ բուհի ղեկավարը նշել է, որ գիտությունը երիտասարդ կադրերին չի հրապուրում, տնտեսությունից առանձին հետազոտական պատվերներ չեն ստանում, համալսարանի՝ դրանից ստացված եկամուտները շարունակում են մնալ գրոյական, ԶԶ դրամաշնորհային ծրագրերին դասախոսների մասնակցությունը՝ չիրականացված:

«Զնայած քաղաքակիրթ աշխարհը գործում է «կրթությունն առանց սահմանների» կարգախոսով, սակայն ԱՅ բուհերը կղզիացված վիճակում են պետության չճանաչված լինելու պատճառով, և արտերկրի բուհերի հետ շփումները հնարավոր է լինում իրականացնել ԶԶ բուհերի միջնորդությամբ», - նշել է ռեկտորը:



ԱրՊՅ ռեկտորը շնորհակալություն է հայտնել երկրի ղեկավարությանը՝ ԱրՊՅ-ն մշտապես իր ուշադրության առանցքում պահելու համար:

Ֆինանսական տարվա մասին հաշվետվությամբ հանդես է եկել ԱրՊՅ գլխավոր հաշվապահ Նարինե Գրիգորյանը: Հաշվետու տարում ուսխորհրդի կատարած աշխատանքի մասին հաշվետվություն է ներկայացրել ուսխորհրդի նախագահ Լիլիթ Մարգարյանը:

Ելույթներով հանդես են եկել ԱրՊՅ մանկավարժության և սպորտի ֆակուլտետի ղեկան Շ. Այդինյանը, տնտեսագիտության ֆակուլտետի ղեկան Ռ. Մանգասարյանը, ԱՅ ԿԳՍ նախարարության աշխատակազմի մասնագիտական կրթության և գիտության բաժնի վարիչ Լ. Ղարախանյանը, ովքեր բարձր են գնահատել ԱրՊՅ ռեկտորի կատարած աշխատանքը:

Արդյունքում ԱրՊՅ 2018-2019 ուստարում կատարած աշխատանքները գնահատվել են բավարար:

Կ Ա Յ Ա Ց Ե Լ Է Գ Ի Տ Խ Ո Ր Չ Ր Դ Ի Ն Ի Ս Տ



Փետրվարի 28-ին կայացել է ԱրՊՅ գիտխորհրդի նիստ, որտեղ քննարկվել են մագիստրատուրայի և ասպիրանտուրայի մասնագիտությունների ու կրթական ծրագրերի վերաբերյալ հարցեր, տպագրության երաշխավորվել աշխատություններ:

2019-2020 ուսումնական տարվա մագիստրոսական թեզերի /հեռակա ուսուցման համակարգ/ պաշտպանության արդյունքների մասին տեղեկատվություն է ներկայացրել ԱրՊՅ ուսումնական աշխատանքների գծով պրո-ռեկտոր Գեորգի Սահակյանը՝ նշելով, որ նախորդ ուսումնական տարվա համեմատ հանձնաժողովի նախագահները ընդարձակ հաշվետվություն են գրել՝ ընդգծելով իրենց գոհունակությունը պաշտպանության արդյունքներից:

Օրակարգի մյուս հարցով գիտխորհուրդը հաստատել է ֆիզիկայի ամբիոնի դոցենտի պաշտոնակատար Մելս Վաչագանի Մինասյանին ԱրՊՅ «Ոսկե մեդալ»-ով պարգևատրելու մասին հարցը, որը ներկայացրել է ԱրՊՅ ռեկտոր Արմեն Սարգսյանը:

Օրակարգի հաջորդ հարցով գիտխորհուրդը հաստատել է 2020-2021 ուսումնական տարվա մագիստրատուրայի և ասպիրանտուրայի մասնագիտությունների և կրթական ծրագրերի, դրանց և բակալավրիատի կրթական ծրագրերի համապատասխան տեղերի պլանավորման ու լիազոր մարմին ներկայացնելու մասին հարցը:

Գիտխորհուրդը տպագրության է երաշխավորել մեկ ուսումնական ձեռնարկ, մեկ ուսումնամեթոդական ուղեցույց, հաստատել ԱրՊՅ պատմության և քաղաքագիտության ամբիոնի ասպիրանտ ժիրայր Իշխանյանի ուսումնահետազոտական աշխատանքների անհատական պլանի ու պատմության և քաղաքագիտության ամբիոնի հարցորդ Ռադա Ավետիսյանի ատենախոսության թեմայի մասին հարցերը:

ԱրՊՅ-ՈՒՄ ՆՇՎԵԼ Է ԱԿԱԴԵՄԻԿՈՍ ՍԵՐԳԵՅ ԱՐՐԱՀԱՄՅԱՆԻ 95-ԱՄՅԱԿԸ



Փետրվարի 14-ին ԱրՊՅ բանասիրական ֆակուլտետի ակադեմիկոս Սերգեյ Արբահամյանի անվան հայոց լեզվի ամբիոնի վարիչ, Բ.Գ.Ք., դոցենտ Հասմիկ Ղազարյանի նախաձեռնությամբ կազմակերպվել է միջոցառում՝ նվիրված հայ լեզվաբան, բանասիրական գիտությունների դոկտոր, պրոֆեսոր, անվանի հայագետ, ԶԶ ԳԱՍ ակադեմիկոս Սերգեյ Արբահամյանի ծննդյան 95-ամյակին:

Միջոցառմանը ներկա էին ֆակուլտետի ուսանողներ և դասախոսներ: Ուսանողներն ու դասախոսներն իրենց ելույթներում ներկայացրին Սերգեյ Արբահամյան մարդուն և գիտնականին, նրա գիտական վաստակը՝ մեկ անգամ և սարժևորելով Ս.Արբահամյանի ավանդը հայ լեզվաբանության զարգացման գործում:

Ողջունելով ներկաներին՝ Բ.Գ.Ք., դոցենտ Հասմիկ Ղազարյանն իր ելույթում հուշեր է պատմել Սերգեյ Արբահամյանի մասին: Անվանի լեզվաբանը եղել է նրա թեկնածուական ատենախոսության գիտական ղեկավարը, ում հետ ծանոթացել է 1993 թվականին:

«Ես ինձ երջանիկ մարդ եմ համարում, որ բախտ եմ ունեցել ծանաչելու նրան: Նա մեծ հայրենասեր էր, ապրեց հայրենիքի սիրով ու կարոտով», - նշել է նա՝ ընդգծելով, որ մեծ է Ս.Արբահամյանի վաստակը նաև ԱրՊՅ հայոց լեզվի ամբիոնի զարգացման գործում: Ամբիոնի դասախոսներից հինգի թեկնածուական ատենախոսությունը ղեկավարել է հենց Ս.Արբահամյանը:

«Սերգեյ Արբահամյանի կերպարի գլխավոր և վսեմ հատկանիշներն են՝ անձնուրաց նվիրվածություն գիտության ընտրած ճյուղին, դպրոցին ու կրթությանը, անհանգիստ ու պրպտող միտք, ամենաբարդ երևույթները հստակ ներկայացնելու բնատուր ձիրք, անսպառ բարություն, զգայուն սիրտ ու բարյացակամություն, լայնախոհ հայրենասիրություն, հոգատարություն, ուսանողներին ու ասպիրանտներին իր գիտելիքները մինչև վերջ նվիրաբերելու պատ-

րաստակամություն», - ասել է Հ.Ղազարյանը: Ակադեմիկոսի մասին ներկաների հետ իր հուշերն է կիսել նաև ԱրՊՅ հայոց լեզվի ամբիոնի պրոֆեսոր, Բ.Գ.Ք. Օֆելյա Բաբայանը:

«Մեծ գիտնական Սերգեյ Արբահամյանին առաջին անգամ տեսել եմ 1983 թվականին: Ես շատ ուրախացա, որ նա դարձավ իմ աշխատանքի գիտական ղեկավարը: Նա մարդկային բարեմասնություններով օժտված մեղմ ու բարի անձնավորություն էր, հուճկով շաղախված պարզ ու անկեղծ տուճեցի, սիրված ու հարգված գործընկեր և ղեկավար», - նշել է Օֆելյա Բաբայանը:

Սերգեյ Արբահամյանի մարդկային որակների, գիտական գործունեության, իր ասպիրանտների հանդեպ ունեցած առանձնահատուկ հոգածության մասին իր ելույթում ընդգծեց նաև հայոց լեզվի ամբիոնի դոցենտ, Բ.Գ.Ք. Սիլվա Մինասյանը՝ պատմելով նաև հուշեր Ս. Արբահամյանի հետ ունեցած հանդիպումներից:

ԱրՊՅ «Հայոց լեզու և գրականություն» մասնագիտության 4-րդ կուրսի ուսանողուհի Հերմինե Արզումանյանը, իր խոսքում կարևորելով Ս.Արբահամյանի գիտական աշխատությունների նշանակությունը ուսանողների համար, նշել է, որ մեծ գիտնականի լեզվաբանական աշխատություններն ուղեկցում են տվյալ ուղղությունն ընտրած ուսանողներին ամբողջ ուսումնառության ընթացքում, քանի որ դրանք մատչելի են ուսանողների համար գիտականորեն հագեցած լինելու պատճառով:

Միջոցառման ավարտին ներկաները դիտել են «Սերգեյ Արբահամյան. Հին լեզվի նոր պահպանը» ֆիլմը:

Նրա հիմնական աշխատությունները վերաբերում են արդի հայերենի կառուցվածքին, ոճաբանությանը, բառարանագրությանը, լեզվի ուսումնասիրման մեթոդաբանությանը, հայերենի կանոնարկման, լեզվաքաղաքականության, լեզվի ուսուցման հիմնահարցերին: Ձբաղվել է ժամանակակից գրական հայերենի կառուցվածքի նկարագրության, նրա պատմության ու ավանդման մեթոդիկայի, ինչպես և խոսքի մշակույթի բարձրացման հարցերով. կատարել է բառարանագրական աշխատանք: Արժեքավոր ներդրում ունի հատկապես հայերենի խոսքի մասերի գիտական քննության, շարահյուսության առանցքային խնդիրների մշակման, դասագրքերի (ձեռնարկների) պատրաստման բնագավառներում: Գրել է գիտամեթոդական բնույթի բազմաթիվ հոդվածներ:

Սերգեյ Արբահամյանը մահացել է 2005 թ.-ին: Նրա անունով են կոչվում ծննդավայրի՝ Տուսիի միջնակարգ դպրոցը և Արցախի պետական համալսարանի հայոց լեզվի ամբիոնը:

ՄՏԵՓԱՆԱԿԵՐՏՈՒՄ ՆՇՎԵԼ Է ՍՈԿՐԱՏ ԽԱՆՅԱՆԻ ԾՆՆԴՅԱՆ 90 ԵՎ ԳՐԱԿԱՆ-ԳԻՏԱՄԱՆԿԱՎԱՐԺԱԿԱՆ ԳՈՐԾՈՒՆԵՈՒԹՅԱՆ 70-ԱՄՅԱԿԸ



Հունվարի 22-ին Ստեփանակերտի մշակույթի և երիտասարդության պալատում նշվել է բանասիրական գիտությունների դոկտոր, պրոֆեսոր, ԼՂՀ գիտության վաստակավոր գործիչ, բանաստեղծ, թարգմանիչ, ՀՀ և ԱՀ գրողների միության անդամ Սոկրատ Խանյանի ծննդյան 90, գրական-գիտամանկավարժական գործունեության 70-ամյակը:

Միջոցառմանը շնորհավորական խոսքով հանդես է եկել ԱՀ Ազգային ժողովի նախագահ Աշոտ Ղուկասյանը:

«Ինձ ու սերնդակիցներին համար մեր ուսանողության տարիներին Սոկրատ Խանյանը արդեն մեծ անուն և հեղինակություն էր ոչ միայն Ստեփանակերտի մանկավարժական ինստիտուտում, այլև նրա սահմաններից դուրս: Իր գիտական- մանկավարժական գործունեության արդյունքում է, որ այսօր էլ ԱրՊՀ-ում «Հայոց լեզու և գրականություն» մասնագիտություններում են գիտական գործունեությամբ շարունակել իր ուսանողները», - ասել է Աշոտ Ղուկասյանը՝ հավելելով, որ գրողի բնավորության ամենաընդգծված գիծը լավատեսությունն է, որի հիմքում Արցախի երիտասարդների հետ հաճախակի հանդիպումներն են:

Հոբելյարին շնորհավորական ուղերձ է հղել ԱՀ Կրթության, գիտության և սպորտի նախարար Նարինե Աղաբալյանը՝ կարևորելով գրողի ունեցած ներդրումը և որոնքային տարիներին Բաքվի հայ երիտասարդներին հայ պահելու գործում: «Արժանահիշատակ է Ս.Խանյանի գործունեությունը նաև նորանկախ Արցախում. պատերազմի վերջերից ապաքինվող փոքրիկ հայրենիքում նոր գաղափարներով և ազգային մտածելակերպով օժտված սերունդների կերտող ազգային դպրոցի կայացմանը լծվեցիք անվերապահորեն», - նշվում էր ուղերձում:

ԱրՊՀ ողջ կոլեկտիվի անունից Սոկրատ Խանյանին շնորհավորել է համալսարանի ռեկտոր Արմեն Սարգսյանը:

«Այսօր ԱրՊՀ-ում աննախադեպ տոն է այն

առումներով, որ հոբելյարը 90 տարեկանում նույն եռանդով շարունակում է իր աշխատանքն ու գործունեությունը ինչպես տասնամյակներ առաջ, նա ԱրՊՀ ստեղծման առաջին իսկ օրից դասախոսում է համալսարանում»:

ԱրՊՀ ռեկտորի հրամանի համաձայն բանասիրական գիտությունների դոկտոր, պրոֆեսոր, ԼՂՀ գիտության վաստակավոր գործիչ Սոկրատ Խանյանին շնորհվել է ԱրՊՀ պատվավոր պրոֆեսորի կոչում:

ԱՀ Մշակույթի, երիտասարդության հարցերի և զբոսաշրջության նախարարության անունից հոբելյարին շնորհավորել է նախարար Լեռնիկ Հովհաննիսյանը՝ նշելով, որ գրողի ստեղծագործությունները նվիրված են մշակույթին, արվեստին, հայրենիքին և գիտությանը:

Միջոցառմանը զեկուցմամբ և ելույթներով հանդես են եկել Բ.Գ.Ք., ԱրՊՀ պրոֆեսոր Անահիտ Աթաջանը, «Մեսրոպ Մաշտոց» համալսարանի ռեկտոր Դոնարա Գաբրիելյանը, Բ.Գ.Պ., Վանաձորի Հ. Թումանյանի անվան պետական մանկավարժական համալսարանի պրոֆեսոր Վանո Եղիազարյանը, բանասեր, թատերագետ Կարինե Ալավերդյանը, Ս.Խանյանի որդի Համլետ Խանյանը, հրապարակվել է Գորիսի պետական համալսարանի ռեկտորի շնորհավորական ուղերձը:

Երեկոյին հնչել են հեղինակի ստեղծագործություններից ասմունք և գործիքային կատարումներ:

Սոկրատ Խանյանը շնորհակալություն է հայտնել միջոցառման ներկաներին՝ ընդգծելով, որ յուրաքանչյուր նման միջոցառում խոսում է պետության հզորության մասին:

«Մեր գրիչը, մեր տաղանդը, մեր շնորհքը պետք է ծառայի մեր պետության հզորությանը, ժողովրդի միասնությանը, գալիք սերունդների ապահով և հավերժական կյանքին», - նշել է Ս. Խանյանը:



ԱՐՊՀ ԵՎ ԳՊՀ ՄԻՋԵՎ ՍՏՈՐԱԳՐՎԵԼ Է ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

Հիմք ընդունելով միջբուհական համագործակցության ապահովման, գիտատեխնիկական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը՝ հունվարի 23-ին ԱրՊՀ-ում Արցախի պետական և Գորիսի պետական համալսարանների միջև ստորագրվել է համագործակցության հուշագիր:

ԱրՊՀ ռեկտոր Արմեն Սարգսյանը, կարևորելով համագործակցության հուշագրի կնքումը, նշել է, որ փաստաթղթով ամրագրվում են այն կարևոր կետերը, որոնք առանցքային են գիտակրթական կյանքն արդյունավետ կազմակերպելու գործում:

Իր հերթին Գորիսի պետական համալսարանի պրոռեկտոր Թեմինա Մարությանը հուշագրի կնքումը կարևորել է նաև Սյունիք-Արցախ տարածաշրջանային գիտակրթական կապերի ամրապնդման, հարավային ակադեմիական միջավայրի ձևավորման կարևորության և ռազմավարական նշանակության տեսանկյունից:

«ԱրՊՀ-ի հետ Գորիսի պետական համալսարանի համագործակցությունը տարիների պատմություն ունի, և այս հուշագրով այդ համագործակցությանը փաստաթղթային վավերացում ենք տալիս», - նշել է Թ. Մարությանը:



Հուշագրով ամրագրվում է համատեղ ծրագրերի, միջոցառումների իրականացում, պրոֆեսորադասախոսական կազմի անդամների ակադեմիական շարժունության իրականացում, կրթական ծրագրերի համատեղ մշակում, դասախոսների մասնագիտական վերապատրաստում, ԱրՊՀ-ի և ԳՊՀ-ի գիտական ամսագրերում համատեղ ուսումնագիտական հետազոտությունների արդյունքների հրատարակում, ուսանողների գիտահետազոտական, ուսումնական արտադրական պրակտիկաների փոխադարձ կազմակերպում, համատեղ գիտաժողովների կազմակերպում և այլ ուղղություններով համագործակցություն:

ԳԻՏՈՒԹՅՈՒՆԸ ԶԱՐԳԱՑՆԵԼՈՒ ՀԱՄԱՐ ԱՆՐԱՄԵՇՏ Է ՌԽՈՒՄՆԱԿԱՆ ԳՈՐԾԸՆԹԱՑՈՒՄ ՆԵՐՂՆԵԼ ԵՎ ՕԳՏԱԳՈՐԾԵԼ ՈԼՈՐՏՈՒՄ ԱՐՁԱՆԱԳՐՎԱԾ ՆՈՐԱՐԱՐՈՒԹՅՈՒՆՆԵՐԸ. Վ ԱՎԱՆԵՍՅԱՆ



2019-2020 ուսումնական տարվա 1-ին կիսամյակում Արցախի պետական համալսարանում գիտական և միջազգային համագործակցության գծով

կազմակերպվել են գիտաժողովներ, գիտական սեմինարներ, տպագրվել հոդվածներ, ուսումնական ձեռնարկներ, ստորագրվել համագործակցության հուշագրեր:

«Գիտությունը այն ոլորտն է, որը ստեղծում է գիտական նորույթ և որի ուղղությամբ բազմաթիվ անելիքներ ունենք: ԱրՊՀ-ում գիտությունը զարգացնելու և հաջողություններ գրանցելու համար անհրաժեշտ է ուսումնական գործընթացում օգտագործել և ներդնել գիտահետազոտական վերջին նորարարությունները, որի շնորհիվ կկարողանանք


բարձրացնել արդյունավետությունը տվյալ ոլորտում», - ասել է ԱրՊՀ գիտական և միջազգային համագործակցության գծով պրոռեկտոր Վալերի Ավանեսյանը:

Խոսելով ձեռքբերումների մասին՝ պրոռեկտորը նշել է, որ բուհը ավելի քան չորս տասնյակ համալսարանների հետ համագործակցության հուշագրեր ունի ստորագրած: Այդ հուշագրերի շրջանակներում պարբերաբար կազմակերպվել են համատեղ գիտական տարաբնույթ միջոցառումներ:

«Ինչ վերաբերում է միջազգային համագործակցությանը, ապա ԱրՊՀ-ին պարբերաբար հրավիրում են մասնակցելու տարբեր միջազգային գիտաժողովների, համալսարանը տարբեր երկրների հետ ունի համագործակցության պայմանագրեր», - նշել է պրոռեկտորը՝ ընդգծելով միջազգային կազմակերպությունների հետ շփումները ակտիվացնելու և պայմանագրերի շրջանակում Եվրոպայի հետ համագործակցելու անհրաժեշտությունը:

Պրոռեկտորի խոսքով՝ հոկտեմբեր ամսում նախատեսվում են կազմակերպել Արցախի մայր բուհի 50-ամյակին նվիրված միջազգային գիտաժողով:

ԱՐՊՅ-ՈՒՄ ԿԱՅԱՑԵԼ Է ՍԹԵԹՍՈՆԻ ԱՆՎԱՆ 24-ՐԴ ՏԱՐԵԿԱՆ ՄԻՋԱԶԳԱՅԻՆ ԴԱՏԱԽԱՂԻ ՏԱՐԱԾԱՇՐՋԱՆԱՅԻՆ ՓՈՒԼԸ



Հունվարի 21-ին Արցախի պետական համալսարանում մեկնարկել է «Շրջակա միջավայրի պաշտպանության իրավունք» թեմայով միջազգային դատական խաղ-մրցույթի Կենտրոնական Ասիայի տարածաշրջանային փուլը: Սթեթսոնի և Արցախի պետական համալսարանի նախաձեռնությամբ կազմակերպված դատախաղին Կենտրոնական Ասիայի տարածաշրջանի իրավագիտություն մասնագիտությամբ սովորող ուսանողները անգլերեն լեզվով դատավիճել են ազգային սահմանները հատող իրավական, էկոլոգիական խնդիրների շուրջ:

րում կայանալու, լեզվի իմացությունը զարգացնելու, այլ երկրներում այլ իրավաբանների մտածողությունը, ամբողջ աշխարհում իրավունքի տրամաբանությունը և էությունը հասկանալու, ինչպես նաև կայանալու հնարավորություն են տալիս»,- նշել է Երևանի պետական համալսարանի իրավագիտության ֆակուլտետի ուսանողուհի Տաթևիկ Սողոյանը՝ ընդգծելով, որ մրցույթին առաջադրված խնդիրները վերաբերում են վերացող տեսակներին:



ԱրՊՅ թիմի մարզիչ Վարդուհի Ավանեսյանի խոսքով՝ ուսանողները ոգևորված և մոտիվացված են, փորձում են ամեն կերպ սովորել ու ներկայացնել իրենց գիտելիքները: «Թիմերի հաղթանակը պայմանավորված է մի քանի չափանիշներով՝ ներկայացնելու արվեստով, հանրային խոսքով, միջազգային իրավունքի և շրջակա միջավայրի իրավունքի վերաբերյալ ընդհանուր գիտելիքներով և որպես իրավաբաններ սեփական կարծիքը ներկայացնելու պատրաստվածությամբ»:

Մրցույթին մասնակցել են երեք թիմ՝ Երևանի պետական համալսարանը, Հայ- ռուսական (սլավոնական) համալսարանը և Արցախի պետական համալսարանը, յուրաքանչյուր թիմում ընդգրկված էր երեք ուսանող: Մրցույթի առաքելությունն է նպաստել էկոլոգիական իրավունքի ոլորտում արդյունավետ որոշումներ կայացնելու ունակություն ունեցող երիտասարդ առաջնորդների զարգացմանը:

«Նման դատախաղերը միջազգային հարթակներ

«Շրջակա միջավայրի պաշտպանության իրավունք» թեմայով միջազգային դատական խաղ-մրցույթի Կենտրոնական Ասիայի տարածաշրջանային փուլում հաղթող է ճանաչվել ՀՀ Հայ-Ռուսական համալսարանի թիմը:

Հաղթող և մասնակից թիմերի անդամներին հավաստագրեր է հանձնել ԱրՊՅ գիտության և միջազգային համագործակցության գծով պրոռեկտոր Վալերի Ավանեսյանը:

Ազգային և տարածաշրջանային փուլերի արդյունքում հաջողություն գրանցած թիմերը, այդ թվում նաև ԱրՊՅ թիմը՝ որպես կազմակերպիչ, մասնակցելու են ապրիլի 2-ից 4-ը ԱՄՆ Ֆլորիդա նահանգում կայանալիք եզրափակիչ փուլին:



2019-2020 ՈՒՍՈՒՄՆԱԿԱՆ ՏԱՐՎԱ 1-ԻՆ ԿԻՍԱՄՅԱԿԻ ԱՌԿԱ ՈՒՍՈՒՑՄԱՆ ՀԱՄԱԿԱՐԳԻ ՔՆՆԱՇՐՋԱՆԻ ԱՐԴՅՈՒՆՔՆԵՐՈՎ ԱԿԱԴԵՄԻԱԿԱՆ ԱՌԱՋԱԴԻՍՈՒԹՅՈՒՆԸ ԱԾԵԼ Է

2019-2020 ուսումնական տարվա 1-ին կիսամյակի առկա ուսուցման համակարգի քննաշրջանի արդյունքների, 2-րդ կիսամյակի պարապմունքների ընթացքի և նախատեսվող ծրագրերի մասին գրուցել ենք ԱրՊՅ ուսումնական աշխատանքների գծով պրոռեկտոր Գեորգի Սահակյանի հետ:

«2019-2020 ուսումնական տարվա 1-ին կիսամյակի առկա ուսուցման համակարգի քննաշրջանի արդյունքներով ակադեմիական առաջադիմությունը նախորդ ուսումնական տարվա համեմատ աճել է: Բանասիրական ֆակուլտետի բացարձակ առաջին կիսամյակի համեմատ աճել է 6%-ով, բնագիտական ֆակուլտետինը՝ 6%-ով, մանկավարժության և սպորտինը՝ 3%-ով, պատմության և իրավագիտության ֆակուլտետի առաջադիմությունը պահպանվել է, իսկ տնտեսագիտության ֆակուլտետինը նվազել է 2%-ով»,- նշել է պրոռեկտորը՝ հավելելով, որ նվազել են անբավարար գնահատականներ ստացող և չներկայացած ուսանողների թիվը, աճել գերազանց գնահատականներ ստացած ուսանողների թիվը:

Այս ուսումնական տարվա ընթացքում մեծ ուշադրություն են դարձրել ոչ մանկավարժական փորձուսուցման անցկացման գործընթացին: «Հիմա պարտադրել ենք ուսանողներին 6 ակադեմիական ժամ անցկացնել փորձուսուցման վայրում, բացի այդ ղեկավարները մանրամասն նկարագրել են փորձուսուցման ամեն օրվա ուսանողի անելիքները, որը տարիներ առաջ բացակայում էր»,- ասել է Գ.Սահակյանը՝ ընդգծելով, որ նշված փոփոխություն

նը գործատուների հետ կապ հաստատելու և փորձուսուցումն ավելի արդյունավետ դարձնելու մեծ հնարավորություն է տալու:



խոսելով 2-րդ կիսամյակի ընթացքում նախատեսվող ծրագրերից՝ Գեորգի Սահակյանը նշել է. «Անցած կիսամյակում ոչ մասնագիտական խմբերում որակի ապահովման կենտրոնի հետ միասին դասալսումներ ենք կազմակերպել «Ռուսաց լեզու» և «Հայոց լեզու» դասընթացների շրջանակում՝ տեսնելու, թե ինչ փոփոխություններ կան, արդյոք օգտագործում են դասավանդման ժամանակակից մեթոդները, դասավանդումը կապված է ապագա մասնագիտության հետ»,- ասել է նա՝ ընդգծելով, որ ամբիոններին առաջարկել են քննարկել և փոփոխել առարկայական նկարագրերն ու օրացուցային պլանները: Պրոռեկտորը հավաստիացրել է, որ այս կիսամյակում էլ նախատեսում են դասալսումներ իրականացնել «Հայոց պատմության հիմնահարցեր» դասընթացի շրջանակում, կազմակերպել կլոր սեղաններ, հրավիրել գործատուներին, համատեղ քննարկել գործող ուսումնական պլանները՝ ուսանողների գիտելիքները աշխատաշուկայի պահանջներին համապատասխանեցնելու համար:

ԱՅ ՈՍՏԻԿԱՆՈՒԹՅԱՆ ԱՇԽԱՏԱԿԻՑՆԵՐԸ ՀԱՆԴԻՊԵԼ ԵՆ ԱՐՊՅ ՈՒՍԱՆՈՂՆԵՐԻ ՀԵՏ



Հունվարի 23-ին ԱՅ ոստիկանության ծառայողները հանդիպել են մանկավարժության և սպորտի ֆակուլտետի ֆիզիկական դաստիարակության և նախնական զինվորական պատրաստության ամբիոնի հեռակա ուսուցման համակարգում տարբեր մասնագիտությամբ սովորող ուսանողների հետ:

Հանդիպման նպատակն էր ոստիկանության համակարգում աշխատանքի ընդունվելու պահանջներին և կարգին ծանոթացնելը, աշխատանքի առաջարկ ներկայացնելը:

Ոստիկանության կադրերի բաժնի պետ, ոստիկանության գնդապետ Արմեն Բաղդասարյանի խոսքով՝ թափուր աշխատատեղեր կան պետական պահպանության վարչությունում, որը իրականացնում է բանկերի և հատուկ օբյեկտների պահպանություն և պարեկապահակետային ծառայությունում՝ վստահեցնելով, որ ծառայության ընթացքում ձեռք բերած գիտելիքներին համապատասխան հետազայում կառաջարկվեն սպայական պաշտոններ:

Մանկավարժության և սպորտի ֆակուլտետի ղեկան Շահեն Այդինյանը նշել է, որ հասարակության մեջ պետք է լինեն պատրաստված, կարգ ու կանոն պահպանող ծառայողներ և կարևորել հանդիպման անհրաժեշտությունը: